

- 2.001.01a tvam āgne dyubhis tvam āśuśukṣaṇis tvam adbhyas tvam aśmaṇas pari |
 2.001.01c tvam vanēbhyas tvam ośadhībhyas tvam nṛṇām nṛpate jāyase śuciḥ ||
 2.001.02a tavāgne hotram tava potram ṛtviyaṁ tava neṣtram tvam agnid ṛtāyataḥ |
 2.001.02c tava praśāstram tvam adhvariyaṣi brahmā cāsi gr̥hapatiś ca no dame ||
 2.001.03a tvam agna indro vṛṣabhah satām asi tvam viṣṇur urugāyo namasyaḥ |
 2.001.03c tvam brahmā rayivid brahmaṇas pate tvam vidhataḥ sacase purandhyā ||
 2.001.04a tvam āgne rājā varuṇo dhṛtavratas tvam mitro bhavasi dasma idyaḥ |
 2.001.04c tvam aṛyamā satpatir yasya sambhujam tvam amśo vidathe deva bhājayuh ||
 2.001.05a tvam āgne tvaṣṭā vidhate suvīryam tava gnāvo mitramahaḥ sajātyam |
 2.001.05c tvam āśuhemā rariṣe svaśvyaṁ tvam narām śardho asi purūvasuh ||
 2.001.06a tvam āgne rudro asuro maḥo divas tvam śardho mārutam pṛkṣa īṣiṣe |
 2.001.06c tvam vātair aruṇair yāsi śaṅgayas tvam pūṣā vidhataḥ pāsi nu tmanā ||
 2.001.07a tvam āgne draviṇodā araṅkr̥te tvam devaḥ savitā ratnadhā asi |
 2.001.07c tvam bhago nṛpate vasva īṣiṣe tvam pāyur dame yas te vidhat ||
 2.001.08a tvām āgne dama ā viśpatiṁ viśas tvām rājānam suvidatram ṛñjate |
 2.001.08c tvam viśvāni svanika patyase tvam sahasrāni śatā daśa prati ||
 2.001.09a tvām āgne pitaram iṣṭibhir naras tvām bhrātrāya śamyā tanūrucam |
 2.001.09c tvam putro bhavasi yas te vidhat tvam sakhā suśevaḥ pāsy ādhrṣaḥ ||
 2.001.10a tvam agna ṛbhur āke namasyaś tvam vājasya kṣumato rāya īṣiṣe |
 2.001.10c tvam vi bhāsy anu dakṣi dāvane tvam viśikṣur asi yajñam ātaniḥ ||
 2.001.11a tvam āgne aditir deva dāśuṣe tvam hotrā bhāratī vardhase girā |
 2.001.11c tvam ilā śatahimāsi dakṣase tvam vṛtrahā vasupate sarasvatī ||
 2.001.12a tvam āgne subhṛta uttamaṁ vayas tava spārhe varṇa ā sandrśi śriyaḥ |
 2.001.12c tvam vājaḥ pratarāṇo br̥hann asi tvam rayir bahulo viśvatas pṛthuh ||
 2.001.13a tvām agna ādityāsa āsyaśm tvām jihvām śucayaś cakrire kave |
 2.001.13c tvām rātiśāco adhvaṛeṣu saścire tve devā havir adanty āhutam ||
 2.001.14a tve āgne viśve amṛtāso adruha āsā devā havir adanty āhutam |
 2.001.14c tvayā martāsaḥ svadanta āsutiṁ tvam garbho vīrudhām jajñiṣe śuciḥ ||
 2.001.15a tvam tām sam ca prati cāsi majmanāgne sujāta pra ca deva ricyase |
 2.001.15c pṛkṣo yad atra mahinā vi te bhuvad anu dyāvāpṛthivī rodasi ubhe ||
 2.001.16a ye stoṭrbhyo goagrām aśvapeśasam āgne rātim upasṛjanti sūrayaḥ |
 2.001.16c asmāñ ca tāṁś ca pra hi neṣi vasya ā br̥had vadema vidathe suvīraḥ ||
- 2.002.01a yajñena vardhata jātavedasam agnim yajadhvam haṁviṣā tanā girā |
 2.002.01c samidhānam suprayasam svarṇaram dyukṣam hotāram vṛjaneṣu dhūrṣadam ||
 2.002.02a abhi tvā naktir uśaso vavāṣire gne vaṭsam na svasareṣu dhenavaḥ |
 2.002.02c diva ived aratir mānuṣā yugā kṣapo bhāsi puruvāra samyataḥ ||
 2.002.03a tam devā budhne rajasah sudamsasam divaspr̥thivyor aratim ny erire |
 2.002.03c ratham iva vedyam śukraśociṣam agnim mitram na kṣitiṣu prasamsyam ||

2.002.04a tam ukṣamāṇam rajasi sva ā dame candram iva surucam hvāra ā dadhuḥ |
 2.002.04c prśnyāḥ pataram citayantam akṣabhiḥ pātho na pāyum janasi ubhe anu ||
 2.002.05a sa hotā viśvam pari bhūtv adhvaram tam u havyair manuṣa rñjate girā |
 2.002.05c hiriśipro vrdhasānāsu jarbhuraḍ dyaur na strbhiś citayad rodasi anu ||
 2.002.06a sa nō revat samidhānaḥ svastaye sandadasvān rayim asmāsu didihi |
 2.002.06c ā naḥ kṛṇuṣva suvitāya rodasi agne havya manuṣo deva vitaye ||
 2.002.07a dā nō agne brhato dāḥ sahasriṇo duro na vājam śrutyā apā vrdhi |
 2.002.07c prācī dyāvāpṛthivī brahmaṇā kṛdhi svaīr ṇa śukram uśaso vi didyutaḥ ||
 2.002.08a sa idhāna uśaso rāmyā anu svaīr ṇa dīded aruṣeṇa bhānunā |
 2.002.08c hotrābhir agnir manuṣaḥ svadhvaro rājā viśam atithiś cārur āyave ||
 2.002.09a evā nō agne amṛteṣu pūrva dhiṣ pīpāya brhaddiveṣu mānuṣā |
 2.002.09c duhānā dhenur vṛjaneṣu kārave tmanā śatinam pururūpam iṣaṇi ||
 2.002.10a vāyam agne arvatā vā suvīryam brahmaṇā vā citayemā janām atī |
 2.002.10c asmākam dyumnam adhi pañca kṛṣṭiśuccā svaīr ṇa śusucīta duṣṭaram ||
 2.002.11a sa nō bodhi sahasya praśamsyo yasmin sujātā iṣayanta sūrayaḥ |
 2.002.11c yam agne yajnam upayanti vājino nitye toke didivāmsam sve dame ||
 2.002.12a ubhayāso jātavedaḥ syāma te stotāro agne sūrayaś ca śarmaṇi |
 2.002.12c vasvo rāyaḥ puruścandrasya bhūyasah prajāvataḥ svapatyasya śagdhi naḥ ||
 2.002.13a ye stotr̥bhyo goagrām aśvapeśasam agne rātim upasṛjanti sūrayaḥ |
 2.002.13c asmāñ ca tāṃś ca pra hi neṣi vasya ā brhad vadema vidathe suvīrāḥ ||

2.003.01a samiddho agnir nihitaḥ pṛthivyām pratyāṇ viśvāni bhuvanāny asthāt |
 2.003.01c hotā pāvakaḥ pradivaḥ sumedhā devo devān yajatv agnir arhan ||
 2.003.02a narāśamsaḥ prati dhāmāny añjan tisro divaḥ prati mahna svarciḥ |
 2.003.02c ghṛtapruṣā manasā havyam undan mūrdhan yajñasya sam anaktu devān ||
 2.003.03a ilito agne manasā nō arhan devān yakṣi mānuṣāt pūrvō adya |
 2.003.03c sa ā vaha marutām śardho acyutaṁ indram naro barhiśadam yajadhvam ||
 2.003.04a deva barhir vardhamānam suvīram stīrnam rāye subharam vedy asyām |
 2.003.04c ghṛtenāktam vāsavaḥ sīdatedam viśve devā ādityā yajñiyāsaḥ ||
 2.003.05a vi śrayantām urviyā hūyamānā dvāro devīḥ supṛāyaṇā namobhiḥ |
 2.003.05c vyacasvatīr vi prathantām ajuryā varṇam punānā yaśasam suvīram ||
 2.003.06a sādhv apāmsi sanatā na ukṣite uśāsānaktā vayyeva raṇvite |
 2.003.06c tantum tataṁ samvayanti samīcī yajñasya peśaḥ sudughe payasvatī ||
 2.003.07a daivyā hotārā prathamā viduṣṭara rju yakṣataḥ sam rcā vapuṣṭarā |
 2.003.07c devān yajantāv ṛtuthā sam añjato nābhā pṛthivyā adhi sānuṣu triṣu ||
 2.003.08a sarasvatī sādhayanti dhiyam na ilā devī bhāratī viśvatūrṭiḥ |
 2.003.08c tisro devīḥ svadhayā barhir edam acchidram pāntu śaraṇam niśadya ||
 2.003.09a piśaṅgarūpaḥ subharo vayodhāḥ śruṣṭi vīro jāyate devakāmaḥ |
 2.003.09c prajām tvaṣṭā vi syatu nābhim asme athā devānām apy etu pāthaḥ ||
 2.003.10a vanaspatīr avasṛjann upa sthād agnir haviḥ sūdayāti pra dhībhiḥ |
 2.003.10c tridhā samaktam nayatu prajānan devebhyo daivyaḥ samitopa havyam ||

2.003.11a ghṛtam mīmikṣe ghṛtam aśya yonir ghṛte śrito ghṛtam v aśya dhāma |
2.003.11c anuṣvadhā ā vaha mādayasva svāhākṛtam vṛṣabha vakṣi havyam ||

2.004.01a huve vaḥ sudyotmānam suvrktim viśam agnim atithim suprayasam |
2.004.01c mitra iva yo didhiśāyō bhūd deva ādevē janē jātavedāḥ ||
2.004.02a imam vidhanto apām sadhasthe dvitādadhur bhṛgavo vikṣv āyoh |
2.004.02c eṣa viśvāny abhy astu bhūmā devānām agnir aratir jirāśvaḥ ||
2.004.03a agnim devāso mānuṣiṣu vikṣu priyam dhuḥ kṣeṣyanto na mitram |
2.004.03c sa dīdayad uśatir ūrmyā ā dakṣāyō yo dāsvate dama ā ||
2.004.04a aśya raṇvā svasyēva puṣṭiḥ sandrṣṭir aśya hiyānasya dakṣoḥ |
2.004.04c vi yo bharibhrād ośadhīṣu jihvām atyo na rathyo dodhaviti vārān ||
2.004.05a ā yan me abhvaṁ vanadaḥ panantośigbhyo nāmimīta varṇam |
2.004.05c sa citreṇa cikite ramsu bhāśa jujurvām yo muhur ā yuvā bhūt ||
2.004.06a ā yo vanā tātrṣāṇo na bhāti vār ṇa pathā rathyeva svānīt |
2.004.06c kṛṣṇādhvā tapū raṇvaś ciketa dyaur iva smayamāno nabhobhiḥ ||
2.004.07a sa yo vy asthād abhi dakṣad urvīm paśur naiti svayur agopāḥ |
2.004.07c agniḥ śociṣmām atasāny uṣṇan kṛṣṇavyāthir asvadayan na bhūma ||
2.004.08a nū te pūrvasyāvaso adhītau trītye vidathe manma śamsi |
2.004.08c asme agne samyadvīram brhantaṁ kṣumantaṁ vājām svapatyaṁ rayim dāḥ ||
2.004.09a tvayā yathā grtsamadāso agne guhā vanvanta uparām abhi syuḥ |
2.004.09c suvirāso abhimātiśāhaḥ smat sūribhyo grṇate tad vayo dhāḥ ||

2.005.01a hotājaniṣṭa cetanaḥ pitā pitṛbhyā ūtaye |
2.005.01c prayakṣaṇ jenyam vasu śakema vājino yamam ||
2.005.02a ā yasmin sapta raśmayas tatā yajñasya netari |
2.005.02c maṇuṣvad daivyam aṣṭamam potā viśvam tad invati ||
2.005.03a dadhanve vā yad im anu vocad brahmāṇi ver u tat |
2.005.03c pari viśvāni kāvyā nemiś cakram ivābhavat ||
2.005.04a sākam hi śucinā śuciḥ praśāstā kratunājani |
2.005.04c vidvām aśya vratā dhruvā vayā ivānu rohate ||
2.005.05a tā aśya varṇam āyuvō neṣṭuḥ sacanta dhenavaḥ |
2.005.05c kuvit tiṣṛbhyā ā varam svasāro yā idam yayuḥ ||
2.005.06a yadī mātur upa svasā ghṛtam bharanty asthita |
2.005.06c tāsām adhvaryur āgatau yavo vṛṣṭiva modate ||
2.005.07a svaḥ svāya dhāyase kṛṇutām rtvig rtvijam |
2.005.07c stomam yajñam cād aram vanemā rarimā vayam ||
2.005.08a yathā vidvām aram karad viśvebhyo yajatebhyaḥ |
2.005.08c ayam agne tve api yam yajñam cakrmā vayam ||

2.006.01a imām me agne samidham imām upasadam vaneḥ |
2.006.01c imā u śu śrudhī girāḥ ||

2.006.02a ayā te agne vidhemorjo napād asvamiṣṭe |
 2.006.02c enā sūktena sujāta ||
 2.006.03a tam tvā gīrbhir girvaṇasaṁ draviṇasyuṁ draviṇodaḥ |
 2.006.03c saparyema saparyavaḥ ||
 2.006.04a sa bodhi sūrira maghavā vasupate vasudāvan |
 2.006.04c yuyodhy aṣmad dveṣāmsi ||
 2.006.05a sa no vrṣṭim divas pari sa no vājam anarvāṇam |
 2.006.05c sa naḥ sahasriṇīr iṣaḥ ||
 2.006.06a ilānāyāvasyave yaviṣṭha dūta no girā |
 2.006.06c yajiṣṭha hotar ā gāhi ||
 2.006.07a antar hy agna iyase vidvāñ janmobhayā kave |
 2.006.07c dūto janyeva mitryaḥ ||
 2.006.08a sa vidvāñ ā ca piprayo yakṣi cikitva ānuṣak |
 2.006.08c ā cāsmin satsi barhiṣi ||

2.007.01a śreṣṭhām yaviṣṭha bhāratāgne dyumantaṁ ā bhāra |
 2.007.01c vaso puruṣprhām rayim ||
 2.007.02a mā no arātir īsata devasya martyasya ca |
 2.007.02c parṣi tasyā uta dviṣaḥ ||
 2.007.03a viśvā uta tvayā vāyam dhārā udanyā iva |
 2.007.03c ati gāhemahi dviṣaḥ ||
 2.007.04a śuciḥ pāvaka vandyo gne brhad vi rocasa |
 2.007.04c tvam ghr̥tebhir āhutaḥ ||
 2.007.05a tvam no asi bhāratāgne vaśābhīr ukṣabhiḥ |
 2.007.05c aṣṭāpadībhīr āhutaḥ ||
 2.007.06a drvannaḥ sarpirāsutiḥ pratno hotā vareṇyaḥ |
 2.007.06c sahasas putro adbhutaḥ ||

2.008.01a vājayann iva nū rathān yogāñ agner upa stuhi |
 2.008.01c yaśastamasya mīlhuṣaḥ ||
 2.008.02a yaḥ sunītho dadāśuṣe juryo jarayann arim |
 2.008.02c cārupratīka āhutaḥ ||
 2.008.03a ya u śriyā dameṣv ā doṣoṣasi praśasyate |
 2.008.03c yasya vrataṁ na mīyate ||
 2.008.04a ā yaḥ svaīr na bhānuna citro vibhāty arcīṣā |
 2.008.04c añjāno ajarair abhi ||
 2.008.05a atrim anu svarājyam agnim ukthāni vāvṛdhuḥ |
 2.008.05c viśvā adhi śriyo dadhe ||
 2.008.06a agner indrasya somasya devānām ūtibhir vāyam |
 2.008.06c ariṣyantaḥ sacemahy abhi ṣyāma pṛtanyataḥ ||

2.009.01a ni hotā hotṛṣadane vidānas tveṣo didivāṃ asadat sudakṣaḥ |
 2.009.01c adabdhavratapramatir vasiṣṭhaḥ sahasrambharah śucijihvo agniḥ ||
 2.009.02a tvaṃ dūtas tvam u naḥ paraspās tvaṃ vasya ā vṛṣabha praṇetā |
 2.009.02c agne tokasya nas tanē tanūnām aprayucchan dīdyād bodhi gopāḥ ||
 2.009.03a vidhema te parame janmann agne vidhema stomair avare sadhasthe |
 2.009.03c yasmād yoner udārithā yaje tam pra tve havīmṣi juhure samiddhe ||
 2.009.04a agne yajasva haviṣā yajiyān chruṣṭi deṣnam abhi grñhi rādhaḥ |
 2.009.04c tvaṃ hy asi rayipatī rayiṇām tvaṃ śukrasya vacaso manotā ||
 2.009.05a ubhayaṃ te na kṣiyate vasavyaṃ dive-dive jāyamānasya dasma |
 2.009.05c kṛdhi kṣumantām jaritāram agne kṛdhi patim svapatyasya rāyaḥ ||
 2.009.06a sainānikena suvidatro asme yaṣṭā devāṃ āyajīṣṭhaḥ svasti |
 2.009.06c adabdho gopā uta naḥ paraspā agne dyumad uta revad didīhi ||

2.010.01a johūtro agniḥ prathamah pitevelas pade manuṣā yat samiddhaḥ |
 2.010.01c śriyam vasāno amṛto vicetā marmṛjenyaḥ śravasyaḥ sa vājī ||
 2.010.02a śrūyā agniś citrabhānur havam me viśvābhir gīrbhir amṛto vicetāḥ |
 2.010.02c śyāvā ratham vahato rohitā votāruṣāha cakre vibhṛtraḥ ||
 2.010.03a uttānāyām ajanayan suṣūtam bhuvad agniḥ purupeśāsu garbhaḥ |
 2.010.03c śiriṇāyām cid aktunā mahobhir aparivṛto vasati pracetāḥ ||
 2.010.04a jigharmy agniṃ haviṣā ghrtena pratikṣiyantam bhuvanāni viśvā |
 2.010.04c pṛthum tiraścā vayasā brhantam vyaciṣṭham annai rabhasam dṛśanam ||
 2.010.05a ā viśvataḥ pratyāñcam jigharmy arakṣasā manasā taj juṣeta |
 2.010.05c maryaśrī sprhayadvarṇo agnir nābhimṛśe tanvā jarbhurānaḥ ||
 2.010.06a jñeyā bhāgam sahasāno vareṇa tvādūtāso manuvad vadema |
 2.010.06c anūnam agniṃ juhvā vacasyā madhupṛcam dhanasā johavīmi ||

2.011.01a śrudhī havam indra mā riṣanyaḥ syāma te dāvane vasūnām |
 2.011.01c imā hi tvām ūrjo vardhayanti vasūyavaḥ sindhavo na kṣarantaḥ ||
 2.011.02a srjo mahīr indra yā apinvaḥ pariṣṭhitā ahinā sūra pūrvih |
 2.011.02c amartyam cid dāsam manyamānam avābhinad ukthair vāvṛdhānaḥ ||
 2.011.03a ukthesv in nu sūra yeṣu cākan stomesv indra rudriyeṣu ca |
 2.011.03c tubhyed etā yāsu mandasānaḥ pra vāyave sistrate na śubhrāḥ ||
 2.011.04a śubhram nu te śuṣmām vardhayantaḥ śubhram vajram bāhvor dadhānāḥ |
 2.011.04c śubhras tvam indra vāvṛdhāno asme dāsir viśaḥ sūryeṇa sahyāḥ ||
 2.011.05a guhā hitam guhyam gūlham apsv apivṛtam māyinaṃ kṣiyantam |
 2.011.05c uto apo dyām tastabhvāmsam ahann ahim sūra vīryeṇa ||
 2.011.06a stavā nu tā indra pūrvyā mahāny uta stavāma nūtanā kṛtāni |
 2.011.06c stavā vajram bāhvor uśantam stavā harī sūryasya ketū ||
 2.011.07a harī nu tā indra vājayantā ghrtaścutam svāram asvārṣṭam |
 2.011.07c vi samānā bhūmir aprathiṣṭāramsta parvataś cit sariṣyan ||
 2.011.08a ni parvataḥ sādya aprayucchan sam mātrbhir vāvaśāno akrān |

2.011.08c dūre pāre vāṇīm vardhayanta indreṣitām dhāmanim paprathan ni ||
 2.011.09a indro mahām sindhum āśayānam māyāvinam vṛtram āsphuraṇ niḥ ||
 2.011.09c arejetām rodāsī bhiyāne kanikradato vṛṣṇo asya vajrāt ||
 2.011.10a aroravīd vṛṣṇo asya vajro mānuṣam yan mānuṣo nijūrvāt |
 2.011.10c ni māyino dānavasya māyā apādayat papivān sutasya ||
 2.011.11a pibā-pibed indra sūra somam mandantu tvā mandinaḥ sutāsaḥ |
 2.011.11c pṛnantas te kuksī vardhayantv itthā sutaḥ paura indram āva ||
 2.011.12a tve indrāpy abhūma viprā dhiyam vanema ṛtayā sapantaḥ |
 2.011.12c avasyavo dhīmaḥi praśastim sadyas te rāyo dāvanē syāma ||
 2.011.13a syāma te tā indra ye tā ūtī avasyava ūjam vardhayantaḥ |
 2.011.13c śuṣmintamaṁ yaṁ cākanāma devāsmē rayim rāsi vīravantam ||
 2.011.14a rāsi kṣayam rāsi mitram asme rāsi śardha indra mārutaṁ naḥ |
 2.011.14c sajośaso ye ca mandasānāḥ pra vāyavaḥ pānty agrāṇītim ||
 2.011.15a vyantv in nu yeṣu mandasānas tṛpat somam pāhi drahyad indra |
 2.011.15c asmān su pṛtsv ā tarutrāvardhayo dyām bṛhadbhīr arkaiḥ ||
 2.011.16a bṛhanta in nu ye te tarutrokthebhīr vā sumnam āvivāsān |
 2.011.16c strñānāso barhiḥ pastyāvāt tvotā id indra vājam agman ||
 2.011.17a ugreṣv in nu sūra mandasānas trikadrukeṣu pāhi somam indra |
 2.011.17c pradodhuvac chmaśruṣu pṛñāno yāhi haribhyām sutasya pītim ||
 2.011.18a dhiṣvā śavaḥ sūra yena vṛtram avābhinaḍ dānum aurnavābham |
 2.011.18c apāvṛnor jyotir āryāya ni savyataḥ sādi dasyur indra ||
 2.011.19a sanēma ye tā ūtibhis taranto viśvā sprdha āryeṇa dasyūn |
 2.011.19c asmabhyam tat tvāṣtram viśvarūpam arandhayaḥ sākhyasya tritāya ||
 2.011.20a asya suvānasya mandinaḥ tritasya ny arbudaṁ vāvrdhāno āstaḥ |
 2.011.20c avartayat sūryo na cakram bhinaḍ valam indro āngirasvān ||
 2.011.21a nūnam sā te prati varam jaritre duhīyad indra dakṣiṇā maghoni |
 2.011.21c śikṣā stotrbhyo māti dhag bhago no bṛhad vademā vidathe suvirāḥ ||

2.012.01a yo jāta eva prathamō manāsvān devo devān kratunā paryabhūṣat |
 2.012.01c yasya śuṣmād rodāsī abhyasetām nṛmṇasya mahnā sa janāsa indraḥ ||
 2.012.02a yaḥ pṛthivīm vyathamānām adṛmhad yaḥ parvatān prakupitām aramṇāt |
 2.012.02c yo antarikṣam vimame variyo yo dyām astabhnaḥ sa janāsa indraḥ ||
 2.012.03a yo hatvāhim ariṇāt sapta sindhūn yo gā udājad apadhā valasya |
 2.012.03c yo āśmanor antar agnim jajāna samvṛk samatsu sa janāsa indraḥ ||
 2.012.04a yenemā viśvā cyavanā kṛtāni yo dāsam varṇam adharam guhākaḥ |
 2.012.04c śvaghniṣva yo jigivām lakṣam ādad ayaḥ puṣṭāni sa janāsa indraḥ ||
 2.012.05a yaṁ smā pṛcchanti kuha seti ghoram utem āhur naiṣo astīty enam |
 2.012.05c so ayaḥ puṣṭir vija ivā mināti śrad āsmāi dhata sa janāsa indraḥ ||
 2.012.06a yo radhrasya coditā yaḥ kṛśasya yo brahmaṇo nādhamānasya kīreḥ |
 2.012.06c yuktagrāvno yo vitā suśiprah sutasomasya sa janāsa indraḥ ||
 2.012.07a yasyāśvāsaḥ pradiśi yasya gāvo yasya grāmā yasya viśve rathāsaḥ |

2.012.07c yaḥ sūryam ya uṣasam jajāna yo apām netā sa janāsa indrah ||
 2.012.08a yam krandasī samyati vihvayete pare 'vara ubhayā amitrah |
 2.012.08c samānam cid ratham ātasthivāmsā nānā havete sa janāsa indrah ||
 2.012.09a yasmān na rte vijayante janāso yam yudhyamānā avase havante |
 2.012.09c yo viśvasya pratimānam babhūva yo acyutacyut sa janāsa indrah ||
 2.012.10a yaḥ śasvato mahy eno dadhānān amanyamānāñ charvā jaghāna |
 2.012.10c yaḥ śardhate nānudadāti śrdhyām yo dasyor hantā sa janāsa indrah ||
 2.012.11a yaḥ śambaram parvateṣu kṣiyantam catvāriṁśyām śarady anavāndat |
 2.012.11c ojayamānam yo ahim jaghāna dānum śayānam sa janāsa indrah ||
 2.012.12a yaḥ saptaraśmir vṛṣabhas tuviśmān avāsrjat sartave sapta sindhūn |
 2.012.12c yo rauhiṇam asphuraḍ vajrabāhur dyām ārohantam sa janāsa indrah ||
 2.012.13a dyāvā cid asmai pṛthivī namete śuśmāc cid asya parvatā bhayante |
 2.012.13c yaḥ somapā nicito vajrabāhur yo vajrahastah sa janāsa indrah ||
 2.012.14a yaḥ sunvantam avati yaḥ pacantam yaḥ śamsantam yaḥ śasamānam ūti |
 2.012.14c yasya brahma vardhanam yasya somo yasyedaṁ rādhaḥ sa janāsa indrah ||
 2.012.15a yaḥ sunvate pacate dudhra ā cid vājam dardarṣi sa kilāsi satyah |
 2.012.15c vayam tā indra viśvaha priyāsaḥ suvirāso vidatham ā vadema ||

2.013.01a rtur janitrī tasyā apas pari makṣū jāta āviśad yāsu vardhate |
 2.013.01c tad āhanā abhavat pipyuṣi payo 'mśoḥ piyūṣam prathamam tad ukthyam ||
 2.013.02a sadhrim ā yanti pari bibhratih payo viśvapsnyāya pra bharanta bhojanam |
 2.013.02c samāno adhvā pravatām anuṣyade yas tākrṇoḥ prathamam sāsy ukthyah ||
 2.013.03a anv ekō vadati yad dadāti tad rūpā minan tadapā eka iyate |
 2.013.03c viśvā ekāsyā vinudās titikṣate yas tākrṇoḥ prathamam sāsy ukthyah ||
 2.013.04a prajābhyah puṣtim vibhajanta āsate rayim iva pṛṣtham prabhavantam āyate |
 2.013.04c asinvan damṣtraiḥ pitur atti bhojanam yas tākrṇoḥ prathamam sāsy ukthyah ||
 2.013.05a adhākrṇoḥ pṛthivīm sandrṣe dive yo dhautinām ahihann ārinak pathah |
 2.013.05c tam tvā stomebhir udabhir na vājinam devam devā ajanan sāsy ukthyah ||
 2.013.06a yo bhojanam ca dayase ca vardhanam ādrād ā śuśkam madhumad dudohitha |
 2.013.06c sa śevadhim ni dadhiṣe vivasvati viśvasyaika īsiṣe sāsy ukthyah ||
 2.013.07a yaḥ puṣpiṇis ca prasvās ca dharmaṇādhi dāne vy aivanir adhārayah |
 2.013.07c yaś cāsamā ajano didyuto diva urur ūrvām abhitah sāsy ukthyah ||
 2.013.08a yo nārmaram saḥavasum nihantave pṛkṣāya ca dāsavesāya cāvahah |
 2.013.08c ūrjayantyā apariviṣtam āsyam utavādya purukṛt sāsy ukthyah ||
 2.013.09a śatam vā yasya daśa sākam ādya ekāsyā śruṣtau yad dha codam āvitha |
 2.013.09c arajjau dasyūn sam unab dabhītaye supravyo abhavaḥ sāsy ukthyah ||
 2.013.10a viśved anu rodhanā asya paumsyam dadur asmai dadhire kṛtnave dhanam |
 2.013.10c śaḥ astabhna viṣtirah pañca sandrṣah pari paro abhavaḥ sāsy ukthyah ||
 2.013.11a supravācanam tava vira vīryaīm yad ekenā kratunā vindase vasu |
 2.013.11c jātūṣṭhirasya pra vayah sahasvato yā cakartha sendra viśvasy ukthyah ||
 2.013.12a aramayah sarapasas tarāya kam turvītaye ca vāyyāya ca srutim |

- 2.013.12c nīcā santam ud anayah parāvṛjam prāndham śronam śravayan sāsya ukthyaḥ ||
 2.013.13a asmabhyam tad vaso dānāya rādhaḥ sam arthayasva bahu te vasavyam |
 2.013.13c indra yac citram śravasyā anu dyūn brhad vadema vidathe suvirāḥ ||
- 2.014.01a adhvāryavo bharatendrāya somam āmatrebhiḥ siñcatā madyam andhaḥ |
 2.014.01c kāmī hi viraḥ sadam asya pītim juhota vṛṣne tad id eṣa vaṣṭi ||
 2.014.02a adhvāryavo yo apo vavrivāmsam vṛtram jaghānāśanyeva vṛkṣam |
 2.014.02c tasmā etam bharata tadvaśāyam eṣa indro arhati pītim asya ||
 2.014.03a adhvāryavo yo dṛbhikam jaghāna yo gā udājad apa hi valam vaḥ |
 2.014.03c tasmā etam antarikṣe na vātam indram somair orṇuta jūr na vastraiḥ ||
 2.014.04a adhvāryavo ya uraṇam jaghāna navā cakhvāmsam navatim ca bāhūn |
 2.014.04c yo arbudam avā nīcā babādhe tam indram somasya bhrthe hinota ||
 2.014.05a adhvāryavo yaḥ sv aśnam jaghāna yaḥ śuṣṇam aśuṣam yo vyamsam |
 2.014.05c yaḥ piprum namucim yo rudhikrām tasmā indrayāndhaso juhota ||
 2.014.06a adhvāryavo yaḥ śatam śambarasya puro bibhedāśmane va pūrvīḥ |
 2.014.06c yo varcinah śatam indrah sahasram apāvāpad bharatā somam asmai ||
 2.014.07a adhvāryavo yaḥ śatam ā sahasram bhūmyā upasthe vāpaj jaghanvān |
 2.014.07c kutsasyāyor atithigvasya vīrān ny avṛṇag bharatā somam asmai ||
 2.014.08a adhvāryavo yan narah kāmayādhve śruṣṭi vahanto naśathā tad indre |
 2.014.08c gabhastipūtam bharata śrutāyendrāya somam yajyavo juhota ||
 2.014.09a adhvāryavaḥ kartanā śruṣṭim asmai vane nipūtam vana un nayadhvam |
 2.014.09c juṣāṇo hastyam abhi vāvaṣe va indrāya somam madiram juhota ||
 2.014.10a adhvāryavaḥ payasodhar yathā goḥ somebhir im pṛnatā bhojam indram |
 2.014.10c vedāham asya nibhṛtam ma etad ditsantam bhūyo yajataś ciketa ||
 2.014.11a adhvāryavo yo divyasya vasvo yaḥ pāthivasya kṣamyasya rājā |
 2.014.11c tam ūrdaram na pṛnatā yavenendram somebhis tad apo vo astu ||
 2.014.12a asmabhyam tad vaso dānāya rādhaḥ sam arthayasva bahu te vasavyam |
 2.014.12c indra yac citram śravasyā anu dyūn brhad vadema vidathe suvirāḥ ||

- 2.015.01a pra ghā nv asya mahato mahāni satyā satyasya karaṇāni vocam |
 2.015.01c trikadrukeṣv apibat sūtasyāsyā made ahim indro jaghāna ||
 2.015.02a avamṣe dyām astabhāyad brhantam ā rodasī aprnad antarikṣam |
 2.015.02c sa dhārayat pṛthivīm paprathac ca somasya tā mada indraś cakāra ||
 2.015.03a sadmeva prāco vi mimāya mānair vajreṇa khāny atrṇan nadinām |
 2.015.03c vṛthāsṛjat pathibhir dirghayāthaiḥ somasya tā mada indraś cakāra ||
 2.015.04a sa pravolhṛn paṛigatyā dabhīter viśvam adhāg āyudham iddhe agnau |
 2.015.04c sam gobhir aśvair asṛjad rathebhiḥ somasya tā mada indraś cakāra ||
 2.015.05a sa im mahim dhunim etor aramṇāt so asnātṛn apārayat svasti |
 2.015.05c ta utsnāya rayim abhi pra tasthuḥ somasya tā mada indraś cakāra ||
 2.015.06a sodañcam sindhum arinān mahitvā vajreṇāna uśasaḥ sam pipeṣa |
 2.015.06c ajavaso javinibhir vivṛṣcan somasya tā mada indraś cakāra ||

2.015.07a sa vidvāṁ apagoḥam kanīnām āvir bhavann ud atīṣṭhat parāvṛk |
 2.015.07c prati śrona sthād vy aṅnag acaṣṭa somasya tā mada indraś cakāra ||
 2.015.08a bhīnad valam aṅgirobhir grṇāno vi parvatasya dr̥mhitāny airat |
 2.015.08c riṅag rodhāmsi kr̥trimāny eṣām somasya tā mada indraś cakāra ||
 2.015.09a svapnenābhyupyā cumurim dhunim ca jaghantha dasyum pra dabhitim āvaḥ |
 2.015.09c rambhī cid atra vivide hiranyam somasya tā mada indraś cakāra ||
 2.015.10a nūnam sā te prati varam jaritre duhīyad indra dakṣiṇā maghoni |
 2.015.10c śikṣā stotrbhyo māti dhag bhago no brhad vadema vidathe suvirāḥ ||

2.016.01a pra vaḥ satām jyeṣṭhatamāya suṣṭutim agnāv iva samidhāne havir bhare |
 2.016.01c indram ajuryam jarayantam ukṣitam sanād yuvānam avase havāmahe ||
 2.016.02a yasmād indrad brhataḥ kim canem rte viśvāny asmin sambhrtādhi vīryā |
 2.016.02c jaṭhare somam tanvīṣ saho mahō haste vajram bharati śirṣaṇi kratum ||
 2.016.03a na kṣoṇibhyām paribhve ta indriyam na samudraiḥ parvatair indra te rathaḥ |
 2.016.03c na te vajram anv aśnoti kaś cana yad āsubhiḥ patasi yojanā puru ||
 2.016.04a viśve hy āsmai yajaṭāyā dhṛṣṇave kratum bharanti vṛṣabhāya saścate |
 2.016.04c vṛṣā yajasva haviṣā viduṣṭaraḥ pibendra somam vṛṣabheṇa bhānunā ||
 2.016.05a vṛṣṇaḥ koṣaḥ pavate madhvā ūrmir vṛṣabhānnāya vṛṣabhāya pātave |
 2.016.05c vṛṣaṇādhvaryū vṛṣabhāso adrayo vṛṣaṇam somam vṛṣabhāya suṣvati ||
 2.016.06a vṛṣā te vajra uta te vṛṣā ratho vṛṣaṇā harī vṛṣabhāny āyudhā |
 2.016.06c vṛṣṇo madasya vṛṣabha tvam īsiṣa indra somasya vṛṣabhasya trpṇuhi ||
 2.016.07a pra te nāvam na samane vacasyuvam brahmaṇā yāmi savaneṣu dādhr̥ṣiḥ |
 2.016.07c kuvin no asya vacaso nibodhiṣad indram utsam na vasunaḥ sicāmahe ||
 2.016.08a purā sambādhdād abhy ā vāvṛtsva no dhenur na vaṭsam yavasasya pipyuṣi |
 2.016.08c śakṛt su te sumatibhiḥ śatakrato sam patnibhir na vṛṣaṇo nasimahi ||
 2.016.09a nūnam sā te prati varam jaritre duhīyad indra dakṣiṇā maghoni |
 2.016.09c śikṣā stotrbhyo māti dhag bhago no brhad vadema vidathe suvirāḥ ||

2.017.01a tad āsmai navyam aṅgirasvad ārcata śuṣmā yad āsya pratnathodirate |
 2.017.01c viśvā yad gotrā sahasā parivṛtā made somasya dr̥mhitāny airayat ||
 2.017.02a sa bhūtu yo ha prathamāya dhāyasa ojo mimāno mahimānam ātirat |
 2.017.02c sūro yo yutsu tanvam parivyata śirṣaṇi dyām mahinā praty amuñcata ||
 2.017.03a adhākṛṇoḥ prathamam vīryam mahad yad asyāgre brahmaṇā śuṣmam airayaḥ |
 2.017.03c ratheṣṭhena haryaśvena vicyutāḥ pra jirayaḥ sistrate sadhryaḥ kṛṭhāk |
 2.017.04a adhā yo viśvā bhuvanābhi majmanesānakṛt pravayā abhy avardhata |
 2.017.04c ād rodasī jyotiṣā vahnir ātanot sīvyan tamāmsi dudhitā sam avyayat ||
 2.017.05a sa prācīnān parvatān dr̥mhad ojasādharācīnam akr̥nod apām apaḥ |
 2.017.05c adhārayat pṛthivīm viśvadhāyasam astabhnān māyayā dyām avasrasaḥ ||
 2.017.06a sāsmā aram bāhubhyām yam pitākṛṇod viśvasmād ā januṣo vedasaḥ pari |
 2.017.06c yenā pṛthivyām ni krivim śayadhyai vajreṇa hatvy avṛnak tuviṣvaṇiḥ ||
 2.017.07a amājūr iva pitroḥ sacā satī samānād ā sadasaḥ tvām iye bhagam |

2.017.07c kṛdhi praketaṃ upa māsy ā bhara daddhi bhāgam tanvoṣṣ yena māmahaḥ ||
 2.017.08a bhojaṃ tvāṃ indra vyaṃ huvema dadiṣ tvam indrapāmsi vājān |
 2.017.08c aviddhindra citrayā na ūti kṛdhi vṛṣann indra vasyāso naḥ ||
 2.017.09a nūnaṃ sā te prati varaṃ jaritre duhīyad indra dakṣiṇā maghonī |
 2.017.09c śikṣā stotṛbhyo māti dhag bhago no brhad vadema vidathe suvirāḥ ||

2.018.01a prātā ratho navo yoji sasniś caturyugas trikaśaḥ saptaraśmiḥ |
 2.018.01c daśāritro manuṣyaḥ svarśaḥ sa iṣṭibhir matibhī ramhyo bhūt ||
 2.018.02a sāsmā aram prathamam sa dvitīyam ūto tritīyam manuṣaḥ sa hotā |
 2.018.02c anyasyā garbham anya ū jananta so anyebhiḥ sacate jenyo vṛṣā ||
 2.018.03a harī nu kaṃ ratha indrasya yojam āyai sūktena vacasā navena |
 2.018.03c mo ṣu tvāṃ atra bahavo hi viprā ni rīraman yajamānāso anye ||
 2.018.04a ā dvābhyām haribhyām indra yāhy ā caturbhir ā ṣaḍbhir hūyamānaḥ |
 2.018.04c āṣṭābhir daśabhiḥ somapeyam ayaṃ sutaḥ sumakha mā mṛdhas kaḥ ||
 2.018.05a ā vimśatyā trimśatā yāhy arvān ā catvārimśatā haribhir yujānaḥ |
 2.018.05c ā pañcāsatā surathebhir indra ṣaṣṭyā saptatyā somapeyam ||
 2.018.06a āṣītyā navatyā yāhy arvān ā śatena haribhir uhyamānaḥ |
 2.018.06c ayaṃ hi te śunahotreṣu soma indra tvāyā pariṣikto madāya ||
 2.018.07a mama brahmendra yāhy acchā viśvā harī dhuri dhiṣvā rathasya |
 2.018.07c purutrā hi vihavyo babhūthāsmiñ chūra savane mādayasva ||
 2.018.08a na ma indreṇa sakhyam vi yoṣad asmabhyam asya dakṣiṇā duhīta |
 2.018.08c upa jyeṣṭhe varūthe gabhastau prāye-prāye jigivāmsaḥ syāma ||
 2.018.09a nūnaṃ sā te prati varaṃ jaritre duhīyad indra dakṣiṇā maghonī |
 2.018.09c śikṣā stotṛbhyo māti dhag bhago no brhad vadema vidathe suvirāḥ ||

2.019.01a apāy asyāndhaso madāya manīṣiṇaḥ suvānasya prayasaḥ |
 2.019.01c yasminn indraḥ pradivī vāvṛdhāna oko dadhe brahmaṇyantaś ca naraḥ ||
 2.019.02a asya māndāno madhvo vajrahasto him indro arṇovṛtam vi vṛscat |
 2.019.02c pra yad vayo na svasarāṇy acchā prayāmsi ca naḍinām cakramanta ||
 2.019.03a sa māhina indro arṇo apām prairayad ahihacchā samudram |
 2.019.03c ajanayat sūryam vidad gā aktunāhnām vayunāni sādhat ||
 2.019.04a so apratīni manave purūnindro dāśad dāśuṣe hanti vṛtram |
 2.019.04c sadyo yo nr̥bhyo atasāyyo bhūt pasṛdhānebhyaḥ sūryasya satau ||
 2.019.05a sa sunvata indraḥ sūryam ā devo riṇaṃ martyāya stavān |
 2.019.05c ā yad rayim guhadāvadyam asmaī bharaḍ amśam naitaśo daśasyan ||
 2.019.06a sa rāndhayat sadivaḥ sārathaye śuṣṇam aśuṣam kuyavaṃ kutsāya |
 2.019.06c divodāsāya navatim ca navendraḥ puro vy airac chambārasya ||
 2.019.07a evā tā indrocatham ahema śravasyā na tmanā vājayantaḥ |
 2.019.07c aśyāma tat sāptam aśuṣāṇā nanamo vadhar adevasya piyoh ||
 2.019.08a evā te gr̥tsamadāḥ sūra manmāvasyavo na vayunāni takṣuh |
 2.019.08c brahmaṇyanta indra te navīya iṣam ūrjam suksitīm sumnam aśyuh ||

2.019.09a nūnam sā te prati varam jaritre duhīyad indra dakṣiṇā maghoni |
2.019.09c śikṣā stotrbhyo māti dhag bhago no brhad vadema vidathe suvirāḥ ||

2.020.01a vāyam te vāya indra viddhi ṣu ṇaḥ pra bhārāmahe vājayur na ratham |
2.020.01c vipanyavo didhyato manīṣā sumnam iyakṣantas tvāvato nṛn ||
2.020.02a tvam na indra tvābhir ūti tvāyato abhiṣṭipāsi janān |
2.020.02c tvam ino dāsuṣo varūtetthādhīr abhi yo nakṣati tvā ||
2.020.03a sa no yuvendro johūtraḥ sakhā śivo narām astu pātā |
2.020.03c yaḥ śamsantam yaḥ śāsamānam ūti pacantam ca stuvantam ca praṇeṣat ||
2.020.04a tam u stuṣa indram tam grṇiṣe yasmin purā vāvṛdhuḥ śāśaduś ca |
2.020.04c sa vasvaḥ kāmam pīparad iyāno brahmaṇyato nūtanasyāyoh ||
2.020.05a so aṅgirasām ucathā jujuṣvān brahmā tūto indro gātum iṣṇan |
2.020.05c muṣṇann uśasaḥ sūryeṇa stavān aśnasya cic chiśnathat pūrvyāni ||
2.020.06a sa ha śruta indro nāma deva ūrdhvo bhuvan manuṣe daśmatamaḥ |
2.020.06c avā priyam arśasānasya sāvāñ chiro bharad dāsasya svadhāvān ||
2.020.07a sa vṛtrahendraḥ kṛṣṇayoniḥ purandaro dāsīr airayaḍ vi |
2.020.07c ajanayan manave kṣām apaś ca satrā śamsam yajamānasya tūtot ||
2.020.08a tasmai tavaṣyaīm anu dāyi satrendrāya devebhir arṇasātau |
2.020.08c prati yad aṣya vajram bāhvor dhur hatvī dasyūn pura āyaśīr ni tārit ||
2.020.09a nūnam sā te prati varam jaritre duhīyad indra dakṣiṇā maghoni |
2.020.09c śikṣā stotrbhyo māti dhag bhago no brhad vadema vidathe suvirāḥ ||

2.021.01a viśvajite dhanajite svarjite satrajite nrjita urvarajite |
2.021.01c aśvajite gojite abjite bharendrāya somam yajatāya haryatam ||
2.021.02a abhibhuvē 'bhibhaṅgāya vanvate 'śālhāya sahamānāya vedhase |
2.021.02c tuvigraye vahnaye duṣṭarītave satrāsāhe nama indrāya vocata ||
2.021.03a satrāsāho janabhakṣo janamsahaś cyavano yudhmo anu jośam ukṣitaḥ |
2.021.03c vṛtañcayaḥ sahurir vikṣv ārita indrasya vocam pra kṛtāni vīryā ||
2.021.04a anānudo vṛṣabho dodhato vadho gambhīra ṛṣvo asamaṣṭakāvyaḥ |
2.021.04c radhraḥcodah śnathano vilītas pṛthur indraḥ suyajña uśasaḥ svar janat ||
2.021.05a yajñeṇa gātum apturo vividrire dhiyo hinvānā uśijo manīṣiṇaḥ |
2.021.05c abhisvarā niśadā gā avasyava indre hinvānā draviṇāny āsata ||
2.021.06a indra śreṣṭhāni draviṇāni dhehi cittim dakṣasya subhagaṭtvam asme |
2.021.06c pośam rayiṇām ariṣṭim tanūnām svādmānam vācaḥ sudinatvam ahnām ||

2.022.01a trikādrukeṣu mahiṣo yavāśiram tuviśuṣmās trpat somam apibad viṣṇunā sutam yathāvaśat |
2.022.01e sa im mamāda mahi karma kartave mahām urum sainam saścad devo devam satyam indram
satya induḥ ||
2.022.02a adha tviṣimāṃ abhy ojasā krivim yudhābhavad ā rodasī aprnad asya majmanā pra vāvṛdhe |
2.022.02e adhattānyam jaṭhare prem aricyata sainam saścad devo devam satyam indram satya induḥ ||
2.022.03a sākam jātaḥ kratunā sākam ojasā vavakṣitha sākam vṛddho vīryaiḥ sāsahir mṛdho vicarṣaiḥ |

- 2.022.03e dātā rādha stuvate kāmyaṃ vasu saināṃ saścad devo devaṃ satyaṃ indraṃ satya induḥ ||
- 2.022.04a tava tyan naryaṃ nr̥to 'pa indra prathamam pūrvyaṃ divi pravācyāṃ kṛtam |
- 2.022.04c yad devasya śavasā prāriṇā asuṃ riṇann apaḥ |
- 2.022.04e bhuvad viśvam abhy ādevam ojasā vidād ūrjam śatakratur vidād iṣam ||
- 2.023.01a gaṇānām tvā gaṇapatim havāmahe kavim kavīnām upamaśravastamam |
- 2.023.01c jyēṣṭharājāṃ brahmaṇām brahmaṇas pata ā nah śr̥vann ūtibhiḥ sīda sādānam ||
- 2.023.02a devāś cit te asurya pracetaso bṛhaspate yajñīyam bhāgam ānaśuḥ |
- 2.023.02c usrā iva sūryo jyotiṣā mahō viśveṣām ij janitā brahmaṇām asi ||
- 2.023.03a ā vibādhyā parirāpaś tamāmsi ca jyotiṣmantam ratham ṛtasya tiṣṭhasi |
- 2.023.03c bṛhaspate bhīmam amitradambhanam rakṣoḥaṇam gotrabhidam svarvidam ||
- 2.023.04a sunītibhir nayaṣi trāyase janam yas tubhyaṃ dāśān na tam amho aśnavat |
- 2.023.04c brahmadviśas tapano manyumir asi bṛhaspate mahi tat te mahitvanam ||
- 2.023.05a na tam amho na duritam kutaś čana nārātayas titirur na dvayāvinaḥ |
- 2.023.05c viśvā id asmād dhvaraso vi bādhasē yaṃ sugopā rakṣasi brahmaṇas pate ||
- 2.023.06a tvaṃ no gopāḥ pathikṛd vicakṣaṇas tava vratāyā matibhir jarāmahe |
- 2.023.06c bṛhaspate yo no abhi hvaro dadhe svā tam marmartu ducchunā harasvatī ||
- 2.023.07a uta vā yo no marcaṃyād anāgaso 'rātīvā marṭaḥ sānuke vṛkaḥ |
- 2.023.07c bṛhaspate apa tam vartayā pathaḥ sugam no asyai devavītaye kṛdhi ||
- 2.023.08a trātāram tvā tanūnām havāmahe 'vaspartar adhivaktāram asmayum |
- 2.023.08c bṛhaspate devanido ni barhaya mā durevā uttaram sunnam un naśan ||
- 2.023.09a tvayā vayam suvr̥dhā brahmaṇas pate spār̥hā vasu manuṣyā dadīmahi |
- 2.023.09c yā no dūre talito yā arātayo 'bhi santi jambhayā tā anapnasah ||
- 2.023.10a tvayā vayam uttamaṃ dhīmahe vayo bṛhaspate papriṇā sasninā yujā |
- 2.023.10c mā no duḥśamsō abhidipsur īsata pra suśamsā matibhis tāriṣimahi ||
- 2.023.11a anānudo vṛṣabho jagmir āhavam niṣṭaptā śatrum pṛtanāsu sāsahih |
- 2.023.11c asi satya ṛṇayā brahmaṇas pata ugrasya cid damitā viluharṣinaḥ ||
- 2.023.12a adevena manasā yo riṣanyati śāsām ugro manyamāno jighāmsati |
- 2.023.12c bṛhaspate mā praṇak tasya no vadho ni karma manyum durevāsya śardhataḥ ||
- 2.023.13a bhareṣu havyo namasopasadyo gantā vājeṣu sanitā dhanam-dhanam |
- 2.023.13c viśvā id aryo abhidipsvoṣ mrdho bṛhaspatir vi vavarhā ratham iva ||
- 2.023.14a tejisṭhayā tapani rakṣasas tapa ye tvā nide dadhire drṣṭavīryam |
- 2.023.14c āvis tat kṛṣva yad asat ta ukthyaḥm bṛhaspate vi parirāpo ardaya ||
- 2.023.15a bṛhaspate ati yad aryo arhād dyumad vibhāti kratumaj janeṣu |
- 2.023.15c yad dīdayac chavasa ṛtaprajāta tad asmāsu draviṇam dhehi citram ||
- 2.023.16a mā na stenebhyo ye abhi druhas pade nirāmiṇo ripavo 'nneṣu jāgrdhuḥ |
- 2.023.16c ā devānām ohaṭe vi vrayo hr̥di bṛhaspate na paraḥ sāmno viduḥ ||
- 2.023.17a viśvebhyo hi tvā bhuvanebhyas pari tvaṣṭājanat sāmnaḥ-sāmnaḥ kavih |
- 2.023.17c sa ṛṇacid ṛṇayā brahmaṇas patir druho hantā mahā ṛtasya dhartari ||
- 2.023.18a tava śriye vy ajihīta parvato gavam gotram udasṛjo yad āngiraḥ |
- 2.023.18c indreṇa yujā tamasā parivṛtam bṛhaspate nir apām aubjo arṇavam ||

- 2.023.19a brahmaṇas pate tvam aśya yaṅtā sūktasya bodhi tanayaṃ ca jinva |
2.023.19c viśvaṃ tad bhadraṃ yad avanti devā bṛhad vadema vidathe suvīrāḥ ||
- 2.024.01a semām aviddhi prabhṛtiṃ ya īśiṣe 'yā vidhema navāyā mahā girā |
2.024.01c yathā no mīdhvān stavate sakhā tava bṛhaspate sīśadhaḥ sota no matim ||
2.024.02a yo nantvāny anaman ny ojasotādardar manyunā śambarāṇi vi |
2.024.02c prācyāvayad acyutā brahmaṇas patir ā cāvīśad vasumantaṃ vi parvatam ||
2.024.03a tad devānām devatamāya kartvam aśrathnan dr̥lhāvradanta vilitā |
2.024.03c ud gā ājad abhinad brahmaṇā valam agūhaḥ tamō vy acakṣayat svah ||
2.024.04a aśmāsyam avatam brahmaṇas patir madhudhāram abhi yam ojasātr̥nat |
2.024.04c tam eva viśve papire svaḍṛśo bahu sākam sisicur utsam udriṇam ||
2.024.05a sanā tā kā cid bhuvanā bhavitvā mādbhiḥ śaradbhir duro varanta vah |
2.024.05c ayatantā carato anyad-anyad id yā cakāra vayunā brahmaṇas patih ||
2.024.06a abhinakṣanto abhi ye tam ānaśur nidhim paṇinām paramam guhā hitam |
2.024.06c te vidvānsaḥ praticakṣyānr̥tā punar yata u āyan tad ud iyur āviśam ||
2.024.07a r̥tvānaḥ praticakṣyānr̥tā punar āta ā tasthuḥ kavayo mahas pathaḥ |
2.024.07c te bāhubhyām dhamitam agnim aśmani nakih ṣo asty araṇo jahur hi tam ||
2.024.08a r̥tajyena kṣipreṇa brahmaṇas patir yatra vaṣṭi pra tad aśnoti dhanvanā |
2.024.08c tasya sādhvīr iṣavo yābhir asyati nr̥cakṣaso dr̥śaye karṇayonayaḥ ||
2.024.09a sa sannayaḥ sa vinayaḥ purohitaḥ sa suṣtutaḥ sa yudhi brahmaṇas patih |
2.024.09c cākṣmo yad vājam bharate maṭi dhanād it sūryas tapati tapyatur vr̥thā ||
2.024.10a vibhu prabhu prathamam mehanāvato bṛhaspateḥ suvidatrāṇi rādhyā |
2.024.10c imā sātāni venyasya vājino yena janā ubhaye bhuñjate viśaḥ ||
2.024.11a yo 'vare vr̥janē viśvathā vibhur mahām u raṇvaḥ śavasā vavakṣitha |
2.024.11c sa devo devān prati paprathe pṛthu viśved u tā paribhūr brahmaṇas patih ||
2.024.12a viśvaṃ satyam maghavānā yuvor id āpaś cana pra minanti vrataṃ vām |
2.024.12c acchendrābrahmaṇaspati havir no 'nnaṃ yujeva vājinā jigātam ||
2.024.13a utāśiṣṭhā anu śr̥nvanti vahnayaḥ sabheyo vipro bharate maṭi dhanā |
2.024.13c viludveśā anu vaśa r̥nam ādadiḥ sa hā vāji samithe brahmaṇas patih ||
2.024.14a brahmaṇas pater abhavad yathāvaśam satyo manyur mahi karmā kariṣyataḥ |
2.024.14c yo gā udājat sa dive vi cābhajan mahīva r̥tiḥ śavasāsarat pṛthak ||
2.024.15a brahmaṇas pate suyamasya viśvahā rāyaḥ syāma rathyo3 vayasvataḥ |
2.024.15c viṛeṣu virāṃ upa pṛndhi naś tvam yad iśāno brahmaṇā veśi me havam ||
2.024.16a brahmaṇas pate tvam aśya yaṅtā sūktasya bodhi tanayaṃ ca jinva |
2.024.16c viśvaṃ tad bhadraṃ yad avanti devā bṛhad vadema vidathe suvīrāḥ ||
- 2.025.01a indhāno agnim vānavad vanuṣyataḥ kṛtabrahmā sūsuvad rātahavya it |
2.025.01c jātenā jātam atī sa pra sarsṛte yaṃ-yaṃ yujam kṛṇute brahmaṇas patih ||
2.025.02a viṛebhir virān vānavad vanuṣyato gobhī rayim paprathad bodhati tmanā |
2.025.02c tokam ca tasya tanayaṃ ca vardhate yaṃ-yaṃ yujam kṛṇute brahmaṇas patih ||
2.025.03a sindhur na kṣodaḥ śimivāṃ rghāyato vr̥seva vadhrim̄r abhi vaṣṭy ojasā |

2.025.03c agner īva prasitir nāha vartave yaṁ-yaṁ yujaṁ kṛṇute brahmaṇas patih ||
 2.025.04a tasmā arṣanti divyā asaścataḥ sa satvabhiḥ prathamo goṣu gacchati |
 2.025.04c anibhrṣtaviṣir hanty ojasā yaṁ-yaṁ yujaṁ kṛṇute brahmaṇas patih ||
 2.025.05a tasmā id viśve dhunayanta sindhavo 'cchidrā śarmā dadhire purūṇi |
 2.025.05c devānām sumne subhagaḥ sa edhate yaṁ-yaṁ yujaṁ kṛṇute brahmaṇas patih ||

2.026.01a rjur ic chamso vanavad vanuṣyato devayann id adevayantam abhy asat |
 2.026.01c suprāvīr id vanavat pṛtsu duṣṭaram jāved ayajyor vi bhajāti bhojanam ||
 2.026.02a yajasva vīra pra vihi manāyato bhadram manah kṛṇuṣva vṛtratūrye |
 2.026.02c haviṣ kṛṇuṣva subhago yathāsasi brahmaṇas pater ava ā vṛṇīmahe ||
 2.026.03a sa ij janena sa viśā sa janmanā sa putrair vājam bharate dhanā nṛbhiḥ |
 2.026.03c devānām yaḥ pitarām āvivāsati śraddhāmanā haviṣā brahmaṇas patim ||
 2.026.04a yo asmai havvair ghṛtavadbhir avidhat pra tam prācā nayati brahmaṇas patih |
 2.026.04c uruṣyatim amhaso rakṣati riṣo3 'mhoś cid asmā urucakrir adbhutaḥ ||

2.027.01a imā gira ādityebhyo ghṛtasnūḥ sanād rājabhyo juhvā juhomi |
 2.027.01c śṛnotu mitro aryamā bhago nas tuvijāto varuṇo dakṣo amśah ||
 2.027.02a imam stomaṁ sakratavo me adya mitro aryamā varuṇo juṣanta |
 2.027.02c ādityāsaḥ śucayo dhārapūtā avṛjinā anavadyā ariṣṭah ||
 2.027.03a ta ādityāsa uravo gabhīrā adabdhāso dipsanto bhūryakṣah |
 2.027.03c antaḥ paśyanti vṛjinota sādhu sarvaṁ rājabhyaḥ paramā cid anti ||
 2.027.04a dhārayanta ādityāso jagat sthā devā viśvāsyā bhuvānasya gopah |
 2.027.04c dīrghādhiyo rakṣamānā asuryam ṛtāvānaś cayamānā ṛṇāni ||
 2.027.05a vidyām ādityā avaso vo asya yad aryaman bhaya ā cin mayobhu |
 2.027.05c yuṣmākam mitravaruṇā praṇītau pari śvabhreva duritāni vṛjyām ||
 2.027.06a sugo hi vo aryaman mitra panthā anṛkṣaro varuṇa sādhu asti |
 2.027.06c tenādityā adhi vocatā no yacchatā no duṣparihantu śarma ||
 2.027.07a pipartu no aditi rājaputrāti dveṣāmsy aryamā sugebhiḥ |
 2.027.07c bṛhan mitrasya varuṇasya śarmopa syāma puruvīrā ariṣṭah ||
 2.027.08a tisro bhūmīr dhārayan trīmīr uta dyūn trīni vratā vidathe antar eṣām |
 2.027.08c rtenādityā mahi vo mahitvaṁ tad aryaman varuṇa mitra cāru ||
 2.027.09a trī rocānā divyā dhārayanta hiraṇyayāḥ śucayo dhārapūtah |
 2.027.09c asvapnajo animiṣā adabdhā uruśamsā rjave martyāya ||
 2.027.10a tvaṁ viśveṣām varuṇāsi rājā ye ca devā asura ye ca martah |
 2.027.10c śataṁ no rāsva śarado vicakṣe 'śyāmāyūṁṣi sudhitāni pūrvā ||
 2.027.11a na dakṣiṇā vi cikite na saṅvyā na prācīnam ādityā nota paścā |
 2.027.11c pākya cid vasavo dhīryā cid yuṣmānīto abhayaṁ jyotir aśyām ||
 2.027.12a yo rājabhya rtanibhyo dadāśa yaṁ vardhayanti puṣṭayaś ca nityah |
 2.027.12c sa revān yāti prathamo rathena vasudāvā vidatheṣu praśastah ||
 2.027.13a śucir apah sūyavasā adabdhā upa kṣeti vṛddhavayāḥ suvīrah |
 2.027.13c nakiṣ ṭam ghnanty antito na dūrād ya ādityānām bhavati praṇītau ||

2.027.14a adīte mitra varuṇota mṛḷa yad vo vāyam cakṛmā kac cid āgaḥ |
 2.027.14c urv aśyām abhāyam jyotir indra mā no dīrghā abhi naśan tamisrāḥ ||
 2.027.15a ubhe asmaḥ pīpayataḥ samīci divo vṛṣṭim subhago nāma puṣyan |
 2.027.15c ubhā kṣayāv ājayan yāti pṛtsūbhāv ardhaus bhavataḥ sādhu asmaḥ ||
 2.027.16a yā vo māyā abhidruhe yajatrāḥ pāsā ādityā ripave vicṛtāḥ |
 2.027.16c aśviva tāṃ ati yeṣam rathenāriṣṭā urāv ā śarman syāma ||
 2.027.17a māham maḥgono varuṇa priyasya bhūridāvna ā vidam sūnam āpeḥ |
 2.027.17c mā rāyo rājan suyamād ava sthām bṛhad vadema vidathe suvirāḥ ||

2.028.01a idam kaver ādityasya svarājo viśvāni sānty abhy astu mahna |
 2.028.01c ati yo mandro yajathāya devaḥ sukīrtim bhikṣe varuṇasya bhūreḥ ||
 2.028.02a tava vrāte subhagāsaḥ syāma svādhyo varuṇa tuṣṭuvāmsaḥ |
 2.028.02c upāyana uśasām gomatinām agnayo na jaramānā anu dyūn ||
 2.028.03a tava syāma puruvīrasya śarman uruśamsasya varuṇa praṇetaḥ |
 2.028.03c yūyam naḥ putrā aditer adabdhā abhi kṣamadhvam yujyāya devāḥ ||
 2.028.04a pra sim ādityo asṛjad vidhartāṃ rtaṃ sindhavo varuṇasya yanti |
 2.028.04c na śrāmyanti na vi mucanty ete vayo na paptū raghuyā pariḥman ||
 2.028.05a vi mac chrathāya raśanām ivāga rdhyāma te varuṇa khām rtasya |
 2.028.05c mā tantuś chedi vayato dhiyam me mā mātrā śāry apasaḥ pura rtoḥ ||
 2.028.06a apo su myakṣa varuṇa bhīyasam mat samrāl rtāvo nu mā grbhāya |
 2.028.06c dāmeva vatsād vi mumugdhy amho nahi tvad āre nīmiśas caneśe ||
 2.028.07a mā no vadhair varuṇa ye ta iṣṭāv enaḥ kṛṇvantam asura bhrīnanti |
 2.028.07c mā jyotiṣaḥ pravasathāni ganma vi sū mṛdhaḥ śīsratho jīvasē naḥ ||
 2.028.08a namaḥ purā te varuṇota nūnam utāparam tūvijāta bravāma |
 2.028.08c tve hi kam parvate na śrītāny apracyutāni dūlabha vratāni ||
 2.028.09a parā rṇā sāvīr adha matkṛtāni māham rājann anyakṛtena bhojam |
 2.028.09c avyūṣṭā in nu bhūyasīr uśasa ā no jīvān varuṇa tāsu śādhi ||
 2.028.10a yo me rājan yujyo vā sakhā vā svapne bhayam bhīrave mahyam āha |
 2.028.10c steno vā yo dipsati no vṛko vā tvaṃ tasmād varuṇa pāhy asmān ||
 2.028.11a māham maḥgono varuṇa priyasya bhūridāvna ā vidam sūnam āpeḥ |
 2.028.11c mā rāyo rājan suyamād ava sthām bṛhad vadema vidathe suvirāḥ ||

2.029.01a dhṛtavratā ādityā iṣirā āre mat karta raḥasūr ivāgaḥ |
 2.029.01c śṛṇvato vo varuṇa mitra devā bhadrasya vidvāṃ avase huve vaḥ ||
 2.029.02a yūyam devāḥ pramatir yūyam ojo yūyam dveśāmsi sanutar yuyota |
 2.029.02c abhikṣattāro abhi ca kṣamadhvam adyā ca no mṛlayatāparam ca ||
 2.029.03a kim ū nu vaḥ kṛṇavāmāpareṇa kim sanena vasava āpyena |
 2.029.03c yūyam no mitravaruṇādite ca svastim indrāmaruto dadhāta ||
 2.029.04a haye devā yūyam id āpayā stha te mṛlata nādhamānāya mahyam |
 2.029.04c mā vo ratho madhyamavāl rte bhūn mā yuṣmāvatsv āpiṣu śramiṣma ||
 2.029.05a pra va eko mimaya bhūry āgo yan mā piteva kitavam śāśasa |

- 2.029.05c āre pāsā āre aghāni devā mā mādhī putre vim iva grabhīṣṭa ||
- 2.029.06a arvāñcō adyā bhavatā yajatrā ā vo hārdi bhayamāno vyayeyam |
- 2.029.06c trādhvaṃ no devā nijuro vṛkasya trādhvaṃ kartād avapadō yajatrāḥ ||
- 2.029.07a māham maḡhono varuṇa priyasya bhūridāvna ā vidam śūnam āpeḥ |
- 2.029.07c mā rāyo rājan suyamād ava sthām bṛhad vadema vidathe suvīrāḥ ||
-
- 2.030.01a rtaṃ devāya kṛṇvate savitra indrayāhighe na ramanta āpaḥ |
- 2.030.01c ahar-ahar yāty aktur apām kiyāty ā prathamah sarga āsām ||
- 2.030.02a yo vṛtrāya sinam atrābhariṣyat pra tam janitri viduṣa uvāca |
- 2.030.02c patho radantīr anu joṣam asmaī dive-dive dhunayo yanty artham ||
- 2.030.03a ūrdhvo hy asthād adhy antarikṣe dhā vṛtrāya pra vadham jabhāra |
- 2.030.03c miham vasāna upa hīm adudrot tigmāyudho aḡyac chatrum indrah ||
- 2.030.04a bṛhaspate tapuṣāsneva vidhya vṛkadvaraso asurasya vīrān |
- 2.030.04c yathā jaghantha dhṛṣatā purā cid evā jaḥi śatrum asmākam indra ||
- 2.030.05a avā kṣipa divo asmānam uccā yena śatrum mandasāno nijūrvāḥ |
- 2.030.05c tokasya sātāu tanayasya bhūrēr asmāṃ ardham kṛṇutād indra gonām ||
- 2.030.06a pra hi kratum vṛhatho yaṃ vanuṭho radhrasya stho yajamānasya coḡau |
- 2.030.06c indrasomā yuvam asmāṃ aviṣtam asmin bhayasthe kṛṇutam u lokam ||
- 2.030.07a na mā taman na śramaṇ nota tandran na vocāma mā sunoteti somam |
- 2.030.07c yo me pṛṇād yo dadād yo nibodhād yo mā sunvantam upa gobhir āyat ||
- 2.030.08a sarasvati tvam asmāṃ aviddhi marutvati dhṛṣati jeṣi śatrūn |
- 2.030.08c tyam cic chardhantaṃ taviṣiyamāṇam indro hanti vṛṣabham śandikānām ||
- 2.030.09a yo naḥ sanūtya uta vā jighatnur abhikhyāya tam tigitenā vidhya |
- 2.030.09c bṛhaspata āyudhair jeṣi śatrūn druhe riṣantam pari dhehi rājan ||
- 2.030.10a asmākebhiḥ satvabhiḥ sūra sūrair vīryā kṛdhi yāni te kartvāni |
- 2.030.10c jyog abhūvann anudhūpitāso hatvī teṣām ā bharā no vasūni ||
- 2.030.11a tam vaḥ śardham mārutam sumnayur giropa bruve namasā daivyam janam |
- 2.030.11c yathā rayim sarvavīram naśāmahā apatyasācam śrutyam dive-dive ||
-
- 2.031.01a asmākam mitravaruṇāvataṃ ratham ādityai rudhair vasubhiḥ sacābhuvā |
- 2.031.01c pra yad vayo na paptan vasmanas pari śravaṣyavo hrṣivanto vanarśadaḥ ||
- 2.031.02a adha smā na ud avatā sajoṣaso ratham devāso abhi vikṣu vājayum |
- 2.031.02c yad āśavaḥ padyābhis titrato rajah pṛthivyāḥ sānau jaṅghananta pānibhiḥ ||
- 2.031.03a uta sya na indro viśvacarṣanir divaḥ śardhena mārutena sukratuḥ |
- 2.031.03c anu nu sthāty avṛkābhīr ūtibhī ratham mahe sanaye vājasātaye ||
- 2.031.04a uta sya devo bhuvanasya sakṣaṇis tvaṣṭā gnābhiḥ sajoṣā jūjuvad ratham |
- 2.031.04c ilā bhago bṛhaddivota rodasī pūṣa purandhir aśvināv adhā patī ||
- 2.031.05a uta tye devī subhage mithūdrśoṣāsānaktā jagatām apijuvā |
- 2.031.05c stuṣe yad vām pṛthivi navyasā vacā sthātuś ca vayas trivayā upastire ||
- 2.031.06a uta vaḥ śamsam usijām iva śmasy ahir budhnyoḡ ja ekapād uta |
- 2.031.06c trita rbhukṣāḥ savitā cano dadhe pām napād āsuhemā dhiyā śami ||

2.031.07a e_tā vo vaśmy udyatā yajatrā atakṣann āyavo navyase sam |

2.031.07c śravasyavo vājam cakānāḥ saptir na rathyo aha dhītim aśyāḥ ||

2.032.01a asya me dyāvaprthivī r̥tāyato bhūtam avitrī vacasaḥ siśāsataḥ |

2.032.01c yayor āyuh pratarām te idam pura upastute vasūyur vām mahō dadhe ||

2.032.02a mā no guhyā ripā āyor ahan dabhan mā na ābhyo rīradho ducchunābhyah |

2.032.02c mā no vi yauh sakhyā viddhi tasya naḥ sumnāyatā manasā tat tvemahe ||

2.032.03a aheḷatā manasā śruṣṭim ā vaha duhānām dhenum pipyuṣim asaścatam |

2.032.03c padyābhir āsum vacasā ca vājinaḥ tvām hinomi puruhūta viśvahā ||

2.032.04a rākām aham suhavam suṣṭutī huve śrnotu naḥ subhagā bodhatu tmanā |

2.032.04c sivyatv apah sūcyācchidyamānayā dadātu vīram śatadāyam ukthyam ||

2.032.05a yās te rāke sumatayah supeśaso yābhir dadāsi dāśuṣe vasūni |

2.032.05c tābhir no adya sumanā upāgahi sahasrapoṣam subhage rarāṇā ||

2.032.06a sinivāli prthustuke yā devānām asi svasā |

2.032.06c juṣasva havyam āhutam prajām devī didiḍdhi naḥ ||

2.032.07a yā subāhuḥ svaṅguriḥ suṣūmā bahusūvarī |

2.032.07c tasyai viśpatnyai haviḥ sinivālyai juhōtana ||

2.032.08a yā guṅgūr yā sinivāli yā rākā yā sarasvatī |

2.032.08c indrānīm ahva ūtaye varuṇānīm svastaye ||

2.033.01a ā te pitar marutām sumnam etu mā naḥ sūryasya sandrśo yuyothāḥ |

2.033.01c abhi no vīro arvati kṣameta pra jāyemahi rudra prajābhiḥ ||

2.033.02a tvādattebhī rudra śantamebhiḥ śatam himā aśīya bheṣajebhiḥ |

2.033.02c vy aḥsmad dveṣo vitaram vy amho vy amivās cātayasvā viśūciḥ ||

2.033.03a śreṣṭho jātasya rudra śriyāsi tavastamas tavasām vajrabāho |

2.033.03c parṣi naḥ pāram amhasaḥ svasti viśvā abhīti rapaso yuyodhi ||

2.033.04a mā tvā rudra cukrudhāmā namobhir mā duṣṭutī vṛṣabha mā sahūti |

2.033.04c un no vīrām arpayā bheṣajebhir bhiṣaktamam tvā bhiṣajām śrṇomi ||

2.033.05a havīmabhir havate yo havirbhir ava stomebhī rudram diśīya |

2.033.05c rdūdarah suhavo mā no asyai babhruḥ suśipro rīradhan manāyai ||

2.033.06a un mā mamanda vṛṣabho marutvān tvakṣiyasā vayasā nādhāmānam |

2.033.06c ghr̥ṇiva cchāyām arapā aśiyā vivāseyam rudrasya sumnam ||

2.033.07a kvaḥ sya te rudra mṛlayākur hasto yo asti bheṣajo jalāṣaḥ |

2.033.07c apabhartā rapaso daivyasyābhi nu mā vṛṣabha cakṣamīthāḥ ||

2.033.08a pra babhrave vṛṣabhāya śvitice mahō mahīm suṣṭutim irayāmi |

2.033.08c namasyā kalmalīkinam namobhir gr̥ṇimasi tveṣam rudrasya nāmā ||

2.033.09a sthirebhir aṅgaiḥ pururūpā ugro babhruḥ śukrebhiḥ pipiṣe hiranyaiḥ |

2.033.09c iśānād asya bhuvanasya bhūrer na vā u yoṣad rudrād asuryam ||

2.033.10a arhan bibharṣi śayakāni dhanvārhan niṣkam yajātam viśvarūpam |

2.033.10c arhann idam dayase viśvam abhvam na vā ojiyo rudra tvad asti ||

2.033.11a stuhi śrutam gartasadam yuvānam mṛgam na bhīmam upahatnum ugram |

- 2.033.11c mṛlā jaritre rudra stavāno nyam te asman ni vapantu senāḥ ||
- 2.033.12a kumāras cit pitaram vandamānam prati nānāma rudropayantam |
- 2.033.12c bhūrēr dātāram satpatim gr̥ṇiṣe stutas tvam bheṣajā rāsy asme ||
- 2.033.13a yā vo bheṣajā marutaḥ śucīni yā śantamā vṛṣaṇo yā mayobhu |
- 2.033.13c yāni manur avṛṇitā pitā naś tā śam ca yoś ca rudrasya vaśmi ||
- 2.033.14a pari no heṭi rudrasya vr̥jyāḥ pari tveṣasya durmatir mahī gāt |
- 2.033.14c avā sthira maghavadbhyas tanuṣva mīdhvas tokāya tanayāya mṛla ||
- 2.033.15a evā babhro vṛṣabha cekitāna yathā deva na hr̥ṇiṣe na haṁsi |
- 2.033.15c havānaśrun no rudreha bodhi br̥had vadema vidathe suvīrāḥ ||
-
- 2.034.01a dhāravarā maruto dhṛṣṇvojaso mṛgā na bhīmās taviṣibhir arcinaḥ |
- 2.034.01c agnayo na śūsucānā r̥ṣiṇo bhr̥mim dhamanto apa gā avṛṇvata ||
- 2.034.02a dyāvo na str̥bhīś citayanta khādino vy aḥbhriyā na dyutayanta vṛṣṭayah |
- 2.034.02c rudro yad vo maruto rukmavakṣaso vṛṣājani pṛśnyāḥ śukra ūdhani ||
- 2.034.03a ukṣante aśvām atyām ivājiṣu nadasya karṇais turayanta āsubhiḥ |
- 2.034.03c hiraṇyaśiprā maruto davidhvataḥ pṛkṣam yātha pṛṣatibhiḥ samanyavaḥ ||
- 2.034.04a pṛkṣe tā viśvā bhuvanā vavakṣire mitrāya vā sadam ā jīradānavaḥ |
- 2.034.04c pṛṣadaśvāso anavabhrrarādhasa r̥jipyāso na vayuneṣu dhūrśadaḥ ||
- 2.034.05a indhanvabhir dhenubhī rapśadūdhabhir adhvaśmabhiḥ pathibhir bhrājadṛṣṭayah |
- 2.034.05c ā haṁsāso na svasarāni gantana madhor madāya marutaḥ samanyavaḥ ||
- 2.034.06a ā no brahmāni marutaḥ samanyavo narām na śamsaḥ savanāni gantana |
- 2.034.06c aśvām iva pipyata dhenum ūdhani kartā dhiyam jaritre vājapeśasam ||
- 2.034.07a tam no dāta maruto vājinaṁ rathā āpānam brahmā citayad dive-dive |
- 2.034.07c iṣam stotr̥bhyo vr̥janeṣu kārave sanim medhām ariṣtam duṣṭaram sahaḥ ||
- 2.034.08a yad yuñjate maruto rukmavakṣaso śvān ratheṣu bhaga ā sudānavaḥ |
- 2.034.08c dhenur na śiśve svasareṣu pinvate janāya rātahaviṣe mahim iṣam ||
- 2.034.09a yo no maruto vṛkatāti martyo ripur dadhe vasavo rakṣatā riṣaḥ |
- 2.034.09c vartayata tapuṣā cakriyābhi tam avā rudrā aśaso hantanā vadhaḥ ||
- 2.034.10a citram tad vo maruto yāmā cekite pṛśnyā yad ūdhar apy āpayo duhuḥ |
- 2.034.10c yad vā nide navamānasya rudriyās tritam jarāya juratām adābhyāḥ ||
- 2.034.11a tān vo maḥo marutā evayāvno viṣnor eṣasya prabhṛthe havāmahe |
- 2.034.11c hiraṇyavarṇān kakuhān yatasruco brahmaṇyantāḥ śamsyam rādha imahe ||
- 2.034.12a te daśagvāḥ prathamā yajñam ūhire te no hinvantūśaso vyuṣṭiṣu |
- 2.034.12c uṣā na rāmīr aruṇair apornute maḥo jyotiśā śucatā goarṇasā ||
- 2.034.13a te kṣoṇibhir aruṇebhir nāñjibhi rudrā rtasya sadaneṣu vāvṛdhuḥ |
- 2.034.13c nimeghamānā atyena pājasā suścandram varṇam dadhire supeśasam ||
- 2.034.14a tāṁ iyāno mahi varūtham ūtaya upa ghed enā namasā gr̥ṇimasi |
- 2.034.14c trito na yān pañca hotṛn abhiṣṭaya āvavartad avarāñ cakriyāvase ||
- 2.034.15a yayā radhram pārayathāty amho yayā nido muñcathā vanditāram |
- 2.034.15c arvācī sā maruto yā vā ūtir o ṣu vāśreva sumatir jigātu ||

- 2.035.01a upem asṛkṣi vājayur vacasyām cano dadhita nādyo giro me |
2.035.01c apām napād āśuhemā kuvit sa supeśāsas karati joṣiṣad dhi ||
2.035.02a imam sv āsmai hr̥da ā sutaṣṭam mantram vocema kuvid āsya vedat |
2.035.02c apām napād asuryasya mahṇā viśvāny aryo bhuvanā jajāna ||
2.035.03a sam anyā yanty upā yanty anyāḥ samānam ūrvaṁ nadyaḥ pṛṇanti |
2.035.03c tam ū śuciṁ śucayo dīdivāmsam apām napātam pari tashur āpaḥ ||
2.035.04a tam asmerā yuvatayo yuvānam marmṛjyamānāḥ pari yanty āpaḥ |
2.035.04c sa śukrebhiḥ śikvabhī revad asme dīdāyānidhmo ghṛtanirṇig apsu ||
2.035.05a āsmai tisro avyathyāya nārīr devāya devīr didhiṣanty annam |
2.035.05c kṛtā ivopa hi prasarsre apsu sa pīyūṣam dhayati pūrvasūnām ||
2.035.06a aśvayātra janimāsyā ca svar druho riṣaḥ samprcaḥ pāhi sūrīn |
2.035.06c āmāsu pūrṣu paro apramṛṣyam nārātayo vi naśan nānṛtāni ||
2.035.07a sva ā dame sudughā yasya dhenuḥ svadhām pīpāya subhv annam atti |
2.035.07c so apām napād ūrjayann apsv aṅtar vasudeyāya vidhate vi bhāti ||
2.035.08a yo apsv ā śucinā daivyena ṛtāvājasra urviyā vibhāti |
2.035.08c vayā id anyā bhuvanāny asya pra jāyante vīrudhās ca prajābhiḥ ||
2.035.09a apām napād ā hy asthād upastham jihmānām ūrdhvo vidyutam vasānaḥ |
2.035.09c tasya jyestham mahimānam vahantīr hiranyavarṇāḥ pari yanti yahvīḥ ||
2.035.10a hiranyarūpaḥ sa hiranyasandṛg apām napāt sed u hiranyavarṇaḥ |
2.035.10c hiranyayāt pari yoner niśadyā hiranyadā dadaty annam asmai ||
2.035.11a tad aśyānikam uta cāru nāmāpīcyam vardhate naptur apām |
2.035.11c yam indhate yuvatayaḥ sam itthā hiranyavarṇam ghṛtam annam asya ||
2.035.12a āsmai bahūnām avamāya sakhye yajñair vidhema namasā havirbhiḥ |
2.035.12c sam sānu mārjmi didhiṣāmi bilmair dadhāmy annaiḥ pari vanda ṛgbhiḥ ||
2.035.13a sa īm vṛṣājanayat tāsū garbham sa īm śīśur dhayati tam rihanti |
2.035.13c so apām napād anabhimlātavarṇo nyasyeveha tanvā viveṣa ||
2.035.14a aśmin pade parame tashivāmsam adhvasmabhir viśvahā dīdivāmsam |
2.035.14c āpo naptre ghṛtam annam vahantīḥ svayam atkaiḥ pari dīyanti yahvīḥ ||
2.035.15a ayāmsam agne sukṣitīm janāyāyāmsam u maghavadbhyaḥ suvṛktim |
2.035.15c viśvaṁ tad bhadram yad avanti devā brhad vadema vidathe suvīrāḥ ||
- 2.036.01a tubhyam hinvāno vasiṣṭa gā apo dhukṣan sīm avibhir adribhir naraḥ |
2.036.01c pibendra svāhā prahutaṁ vaṣaṭkṛtam hotrād ā somam prathamō ya īṣiṣe ||
2.036.02a yajñaiḥ sammīslāḥ pṛṣatībhir ṛṣtibhir yāmañ chubhrāso añjiṣu priyā uta |
2.036.02c āsadyā barhir bhāratasya sūnavāḥ potrād ā somam pibatā divo naraḥ ||
2.036.03a amevā naḥ suhavā ā hi gantāna ni barhiṣi sadatanā raṇiṣṭana |
2.036.03c athā mandasva jujuṣāno andhasas tvaṣṭar devebhir janībhiḥ sumadgaṇaḥ ||
2.036.04a ā vakṣi devām iha vipra yakṣi cośan hotar ni śadā yoniṣu triṣu |
2.036.04c prati vīhi prasthitam somyam madhu pibāgnidhrāt tava bhāgasya tṛpṇuhi ||
2.036.05a eṣa sya te tanvo nṛmṇavardhanaḥ saha ojaḥ pradivi bāhvor hitaḥ |
2.036.05c tubhyam suto maghavan tubhyam ābhṛtas tvam asya brāhmaṇād ā tṛpat piba ||

2.036.06a juṣethām yajñam bodhatam havasya me satto hotā nīvidaḥ pūrvyā anu |

2.036.06c acchā rājānā nama ety āvṛtam praśāstrād ā pibatam somyam madhu ||

2.037.01a mandāsva hotrād anu joṣam andhaso 'dhvāryavaḥ sa pūrṇām vaṣṭy āsicam |

2.037.01c tasmā etam bhārata tadvaśo dadir hotrāt somam draviṇodaḥ piba ṛtubhiḥ ||

2.037.02a yam u pūrvam ahuve tam idam huve sed u havyo dadir yo nāma patyate |

2.037.02c adhvarīyubhiḥ prasthitam somyam madhu potrāt somam draviṇodaḥ piba ṛtubhiḥ ||

2.037.03a medyantū te vahnayo yebhir iyase 'riṣanyan vilayasvā vanaspate |

2.037.03c āyūyā dhr̥ṣṇo abhigūryā tvaṁ neṣṭrāt somam draviṇodaḥ piba ṛtubhiḥ ||

2.037.04a apād dhotrād uta potrād amattota neṣṭrād ajuṣata prayo hitam |

2.037.04c turīyam pātram amṛktam amartyam draviṇodaḥ pibatu draviṇodaśaḥ ||

2.037.05a arvāñcam adya yayyam nr̥vāhaṇam ratham yuñjāthām iha vām vimocanam |

2.037.05c pṛñktam havīm̐si madhunā hi kam gatam athā somam pibatam vājinivasū ||

2.037.06a joṣy agne samidham joṣy āhutim joṣi brahma janyam joṣi suṣṭutim |

2.037.06c viśvebhir viśvām̐ ṛtunā vaso mahā uśan devām̐ uśataḥ pāyayā haviḥ ||

2.038.01a ud u śya devaḥ savitā savāyā śasvattamam tadapā vahnir asthāt |

2.038.01c nūnam devebhyo vi hi dhāti ratnam athābhajad vītihotram svastau ||

2.038.02a viśvasya hi śruṣṭayē deva ūrdhvaḥ pra bāhavā pṛthupāniḥ sisarti |

2.038.02c āpaś cid asya vrata ā nimr̥grā ayam cid vāto ramate parijman ||

2.038.03a āsubhiś cid yān vi mucāti nūnam arīramad atamānam cid etoḥ |

2.038.03c ahyarṣūnām cin ny ayām̐ aviṣyām anu vratam savitur moky āgāt ||

2.038.04a punaḥ sam avyad vitatam vayanti madhyā kartor ny adhac chakma dhiraḥ |

2.038.04c ut samhāyāsthād vy r̥l̥tūmr̥ adardhar aramatiḥ savitā deva āgāt ||

2.038.05a nānaukāmsi duryo viśvam āyur vi tiṣṭhate prabhavaḥ śoko agneḥ |

2.038.05c jyestham matā sūnavē bhāgam ādhād anv asya ketam iṣitam savitrā ||

2.038.06a samāvavarti viṣṭhito jigīsur viśveśam̐ kāmaś caratām amābhūt |

2.038.06c śasvām̐ apo vikṛtam hitvy āgād anu vratam savitur daivyasya ||

2.038.07a tvayā hitam apyam apsu bhāgam dhanvānv ā mṛgayaso vi tasthuḥ |

2.038.07c vanāni vibhyo nakir asya tāni vratā devasya savitur minanti ||

2.038.08a yādrādhya1m varuṇo yonim apyam anīṣitam nīmīsi jarbhurānaḥ |

2.038.08c viśvo mārtaṇdo vrajam ā paśur gāt sthaśo janmāni savitā vy ākaḥ ||

2.038.09a na yasyendro varuṇo na mitro vratam aryamā na minanti rudraḥ |

2.038.09c nārātayas tam idam svasti huve devam savitaram namobhiḥ ||

2.038.10a bhagam dhiyam vājayantāḥ purandhim narāśamso gnāspatir no avyāḥ |

2.038.10c āye vāmasya saṅgathe rayīnām priyā devasya savituh syāma ||

2.038.11a asmabhyam tad divo adbhyaḥ pṛthivyās tvayā dattam kāmyam rādha ā gāt |

2.038.11c sam yat stotṛbhyā āpaye bhavāty uruśamsāya savitar jaritre ||

2.039.01a grāvāneva tad id artham jarethe grdhreva vṛkṣam nidhimantam accha |

2.039.01c brahmāneva vidatha ukthāśāsā dūteva havyā janyā purutrā ||

- 2.039.02a prātaryāvānā rathyeva vīrājeva yamā varam ā sacethe |
 2.039.02c mene iva tanvā³ śumbhamāne dampatīva kratuvidā janeṣu ||
 2.039.03a śrñgeva naḥ prathamā gantam arvāk chaphāv iva jarbhurānā tarobhiḥ |
 2.039.03c cakravākeva prati vastor usrārvāñcā yātam rathyeva śakrā ||
 2.039.04a nāveva naḥ pārayataṁ yugeva nabhyeva na upadhīva pradhīva |
 2.039.04c śvāneva no ariṣanyā tanūnām khrgaleva visrasaḥ pātam asmān ||
 2.039.05a vātevājuryā nadyeva rītir akṣī iva cakṣuṣā yātam arvāk |
 2.039.05c hastāv iva tanve³ śambhaviṣṭhā pādeva no nayataṁ vasyo accha ||
 2.039.06a oṣṭhāv iva madhv āsne vadantā stanāv iva pipyataṁ jīvasē naḥ |
 2.039.06c nāseva nas tanvo rakṣītārā karnāv iva suśrutā bhūtam asme ||
 2.039.07a hasteva śaktim abhi sandadī naḥ kṣāmeva naḥ sam ajataṁ rajāmsi |
 2.039.07c imā giro aśvinā yuṣmayantiḥ kṣnotreṇeva svadhītiṁ sam śīśitam ||
 2.039.08a etāni vām aśvinā vardhanāni brahma stomāṁ grtsamadāso akran |
 2.039.08c tāni narā jujūṣānopa yātam bṛhad vadema vidathe suvīrah ||
- 2.040.01a somāpūṣaṇā janānā rayīnām janānā divo janānā pṛthivyāḥ |
 2.040.01c jātau viśvasya bhuvanasya gopau devā akrñvann amṛtasya nābhim ||
 2.040.02a imau devau jāyamānau juṣantemau tamāmsi gūhatām ajuṣṭā |
 2.040.02c ābhyām indraḥ pakvam āmāsv antaḥ somāpūṣabhyām janad usriyāsu ||
 2.040.03a somāpūṣaṇā rajaso vimānam saptacakram ratham aviśvaminvam |
 2.040.03c viṣūvṛtam manasā yujyamānam tam jinvatho vṛṣaṇā pañcaraśmim ||
 2.040.04a divy aīnyaḥ sadanam cakra uccā pṛthivyām anyo adhy antarikṣe |
 2.040.04c tāv asmabhyām puruvāram puruḥṣum rāyas poṣam vi ṣyatām nābhim asme ||
 2.040.05a viśvāny anyo bhuvanā jajāna viśvam anyo abhicakṣāṇa eti |
 2.040.05c somāpūṣaṇāv avataṁ dhiyam me yuvābhyām viśvāḥ pṛtanā jayema ||
 2.040.06a dhiyam pūṣā jinvatu viśvaminvo rayim somo rayipatir dadhātu |
 2.040.06c avatu devy aditir anarvā bṛhad vadema vidathe suvīrah ||
- 2.041.01a vāyo ye te sahasriṇo rathāsaḥ tebhīr ā gahi |
 2.041.01c niyutvān somapītaye ||
 2.041.02a niyutvān vāyav ā gahy ayaṁ śukro ayāmi te |
 2.041.02c gantāsi sunvato gṛham ||
 2.041.03a śukrasyādya gavāsira indravāyū niyutvataḥ |
 2.041.03c ā yātam pibataṁ narā ||
 2.041.04a ayaṁ vām mitrāvaruṇā sutāḥ soma rtāvṛdhā |
 2.041.04c mamed iha śrūtam havam ||
 2.041.05a rājānāv anābhidruhā dhruve sadasy uttame |
 2.041.05c sahasrasthūṇa āsāte ||
 2.041.06a tā samrajā ghṛtāsūtī ādityā dānunaḥ patī |
 2.041.06c sacete anāvahvaram ||
 2.041.07a gomad ū ṣu nāsatyāśvāvad yātam aśvinā |

- 2.041.07c vartī rudrā nr̥pāyyam ||
- 2.041.08a na yat paro nāntāra ādadharṣad vṛṣaṇvasū |
- 2.041.08c duḥśaṁso martyo ripuḥ ||
- 2.041.09a tā na ā volham aśvinā rayim piśaṅgasandr̥sam |
- 2.041.09c dhiṣṇyā varivovidam ||
- 2.041.10a indro aṅga mahad bhayam abhī śad apā cucyavat |
- 2.041.10c sa hi sthīro vicarṣaṇiḥ ||
- 2.041.11a indraś ca mṛḷayāti no na naḥ paścād agham naśat |
- 2.041.11c bhādam bhavāti naḥ puraḥ ||
- 2.041.12a indra āśābhyas pari sarvābhyo abhayam karat |
- 2.041.12c jetā śatrūn vicarṣaṇiḥ ||
- 2.041.13a viśve devāsa ā gata śr̥ṇutā mā imam havam |
- 2.041.13c edam barhir ni śidata ||
- 2.041.14a tīvro vo madhumāṁ ayam śunahotreṣu matsarah |
- 2.041.14c etam pibata kāmyam ||
- 2.041.15a indrajyeṣṭhā marudgaṇā devāsaḥ pūṣarātayaḥ |
- 2.041.15c viśve mama śrutā havam ||
- 2.041.16a ambitame nadītame devītame sarasvati |
- 2.041.16c apraśastā iva smaśi praśastim amba nas kṛdhi ||
- 2.041.17a tve viśvā sarasvati śrītāyūmṣi devyām |
- 2.041.17c śunahotreṣu matsva prajāṁ devi dididdhi naḥ ||
- 2.041.18a imā brahmā sarasvati juṣasvā vājinīvati |
- 2.041.18c yā te manmā gr̥tsamadā ṛtāvāri priyā deveṣu juhvati ||
- 2.041.19a pretām yajñasya śambhuvā yuvām id ā vṛṇīmahe |
- 2.041.19c agniṁ ca havyavāhanam ||
- 2.041.20a dyāvā naḥ pṛthivī imam śidhram adya diviṣṛśam |
- 2.041.20c yajñam deveṣu yacchatām ||
- 2.041.21a ā vām upastham adruhā devāḥ śidantu yajñiyāḥ |
- 2.041.21c ihādya somapītaye ||
- 2.042.01a kanikradaj januṣam prabruvāṇa iyartī vācam ariteva nāvam |
- 2.042.01c sumaṅgalaś ca śakune bhavāsi mā tvā kā cid abhībhā viśvyā vidat ||
- 2.042.02a mā tvā śyena ud vadhīn mā suparṇo mā tvā vidad iṣumān vīro astā |
- 2.042.02c pitryām anu pradiśam kanikradat sumaṅgalo bhadravādī vadeha ||
- 2.042.03a avā kranda dakṣiṇato gr̥hāṇām sumaṅgalo bhadravādī śakunte |
- 2.042.03c mā na stena īśata māghaśaṁso bṛhad vadema vidathe suvīrāḥ ||
- 2.043.01a pradakṣiṇid abhi gr̥ṇanti kāravo vayo vadanta ṛtūthā śakuntayaḥ |
- 2.043.01c ubhe vācau vadati sāmagā iva gāyatram ca traiṣṭubham cānu rājati ||
- 2.043.02a udgāteva śakune sāmā gāyasi brahmapuṭra iva savaneṣu śamsasi |
- 2.043.02c vṛṣeva vāji śiśumatir apityā sarvato naḥ śakune bhādam ā vada viśvato naḥ śakune puṇyam

ā vāda ||

2.043.03a āvadaṃs tvam śakune bhādrām ā vāda tūṣṇīm āsīnaḥ sumatīm cikiddhi naḥ |

2.043.03c yad utpatan vadasi karkarir yathā bṛhad vādema vidathe suvīrah ||

Notes by [Detlef Eichler](mailto:detlefeichler@gmail.com) (detlefeichler(@googlemail.com):

1. Please note that this PDF file is not for commercial use and released only for personal scholarly activity.
2. This transliteration version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda](http://www.people.fas.harvard.edu/~witzel/onlineRV.htm). (<http://www.people.fas.harvard.edu/~witzel/onlineRV.htm>)
3. The font used for the Rigveda text is URW Palladio IT. In the three words hiraṇyapraugaṃ (1.035.05a), dūraūpabdō (7.021.02c), and praugaṃ (10.130.03c) the font Times New Roman is used for the character ū to show Hiatus between a and u. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 15 September 2008